

鴈蕩山志卷之九

藝文四

五言古詩

斤竹澗越嶺溪行

六朝謝靈運事見故

猿啼誠知曙 谷幽光未顯 岩下雲方合 花上露猶泫 澗

送傍隈奧迢 遞陟陁峴過 澗既厲急登 棧亦凌緬川 渚

晨徑復乘流 既迴轉蘋萍 汎溶洋菰蒲 冒清淺企石挹

飛泉攀樹摘 葉卷想見山 中人薜蘿若在 眼握蘭勒徒

結折麻心莫 展情同想為 美事殊竟難 辨觀此遺物慮

一悟得所遣



公館





石門山

晨策尋石壁夕息在山樓  
疏風抗高館對嶺臨迴溪  
長林羅戶庭積石擁階基  
連崑覺路塞密竹使徑迷  
來人忘新術去子迷故蹊  
活活石流駛嗽夜猿啼沉  
冥豈別理守道不自攜  
心契九秋榦目玩三春蕙  
居常以待終處順故安排  
惜無同懷客共登青雲梯

夜宿石門

朝攀苑中蘭畏彼霜下歇  
暝遠雲際宿弄此石上月  
鳥鳴識夜棲木落知秋發  
異音同至聽殊響俱清越  
妙物莫與賞芳醕誰與代  
美人竟不來鳴珂徒晞髮

遊鴈蕩

宋范宗尹字覺民襄陽人郡守

一徑入幽谷隨山幾縈盤  
雲樹深蒼蔚石溪自潺湲  
我來春色曉山花亦何繁  
好鳥不知名向人自關關  
遣我發興新探討忘疲艱  
龍漱信竒絕飛泉落雲間  
快瀉萬斛珠濺沫霜雪寒  
尊者所經行草木不可芟  
敢將塵土足濯此清冷灣  
晚投山僧家山作碧玉環  
高堂極虛明可寄須臾閑  
此行端為山山窮我當遠  
明朝驅車去依然隨塵寰  
勝處未嘗忘神遊清夜間

鴈蕩山

杜範尚書

東南富山水傑氣鍾鴈峰  
巨靈排巖巖巖妙力開鴻濛  
斷



崖據險絕峭壁凌寒空分岑獻萬狀轉盼無一同或疊  
如錦纈或鑄如青銅或前如舞鳳或却如飛鴻或伏如  
卧虎或矯如游龍並如兒語弟差如兒對翁銳如筆脫  
穎岐如剪開鋒三湫分大小二靈儼西東古語聊近似  
天巧難形容我久埋世埃幸此拔天風應接費耳目魄  
磊羅心胸有僧本儒家伴我追雲踪攀躋不知勞指引  
殊未窮胡然便語別問之以涕從為渠遊興盡生我歸  
意濃出計何草回塗復匆匆還此未了緣邂逅須有逢

龍湫

陳去非

曉行蒼壁中窮處乃高崖白龍三百丈欲下層巔來映  
日洒飛雨繞山行怒雷潭影納浩蕩雲氣扶崔嵬小儒  
嘆造化辨此何雄哉亦知天下絕尊者所徘徊三生清  
淨願俗緣故難開踐勝吾豈敢稽首尚興哀

過鴈山

鴈山五經眼茲行尤可觀初冬天氣佳鴈歸山未寒有  
日照幽谷無雲翳層巒入境見祥雲振衣登馬鞍瀑泉  
飛玉龍羽旗導翔鸞石柱屹天外卓筆書雲端靈峰觀  
石室杖履穿巔岼山禽知我來好音若相歡群峯列春  
筍丹青狀尤難行色愧匆匆更約他時看

度謝公嶺

十九年行役屢經此山中愛山不厭觀每愧行匆匆大士瞻詎那騷人思謝公一生看不足語如白頭翁

遊靈岩輝老禪索詩至靈峯寄之

鴈蕩冠天下靈岩尤絕竒烟霞列屏障平霞障日月明旌

旗展旗峯前有卓筆可以書雄詞卓筆天聰况非遙洞

然聽無疑洞願起靈湫龍雲雨行可為龍鼻願用真

柱石永支廊廟危峯願煽造化爐四海歸雍熙煽願

願拓鸞鳳友朝廷相羽儀雙鸞峯以何人夢石室秦檜

靈峯妄談夸一時那能了世緣未免貪嗔癡名山誤見

汙公議安可欺願借龍湫水小龍一洗了堂碑檜堂詩

以寄老禪狂言勿吾嗤

宿靈岩贈長老敏行

籃輿謝公嶺杖履詎那室淨名訪維摩一菴僅容膝尋

僧畫屏中徃徃多八十平生看不足靈岩最竒特老禪

蜀中來心印傳佛日脚力窮天下稱此為第一茲山昔

未開藏閉最深密儻不遇熙明造物肯容出孫公賦天

台勝地尚遺逸我欲續金聲願借山中筆指卓筆

和立齋先生鴈山韻

車若水號玉峯黃岩人

洗山出穹石削空蹲蒼城一清屹萬古何物相與形步

涉貪深遊徃徃神所兵玄齋立千仞天地鑑清聲平平



邈龍準不見猿鳥驚斯道今次寥斯人世重輕擎天隻  
柱健此囑誰堪膺

遊靈岩

一徑碧如合四山危欲墮天低鳥不飛露濕龍常過岩  
根小葉下境淨不可唾深香洞出雲冷鐘佛驚卧川僧  
住八年有此清福大而我尋盟來坐借蒲團破燈深眼  
雙青各話其所課我穀未必實他花已成果歸來宜有  
餘吾道豈全懦壁間清獻存當年愧輕和

遊鴈山寄懷二弟

翁敏之字功甫色人閩門使

依樓崇儒里咫尺鳥各山奈以紅塵隔因之舉步艱穿  
花曉漏徹何如桑者閑廿載為形役今得拂衣還自酌  
龍漱水照映鬢毛斑山靈應請我對之發報顏題彼雙  
脊令飲嗽就清灣

大龍漱

元陳剛公潛干陽人

出寺西北行怪石立前後陰沉傍群木苔徑修蛇走蒼  
崖迴合中仰視天半畝玉龍千尺飛散作風雨吼碧澗  
搖空濛餘波蕩林藪人言發源處空洞蟠蛇蟻

照膽潭

亭亭紫峯下深淺石面側泓渟尋丈間溶漾光五色遊  
魚懸古鏡飛鳥渡空碧千載此山中回首寸心慄



觀龍鼻天柱贈欽上人

李孝光三見

天根盤海底大浪春其南象山盡萌芽迸出碧玉簪  
濤波蝕之半玲瓏兀空龕其陰生琪玕其陽產榎楠絕頂  
逼太白總可一劍函銀河從天來白鳳毛氍氍魚龍撼  
不醒醉如卧箔蚕其中黑無底銅杖不可探一綫出山  
腹牛乳清而甘清寒漱草木日出香醴醴雲霧忽捲去  
玉氣射紫嵐十峰碧蕙萼春霞散紅酣或黝如蒼璧或  
青如接藍或樹旗杠一或覆鼎足三或扶如怒猊或呀  
如洪蚶或如馬善蹠或如虎視耽聳者如樓觀竅者如  
瑩觀仰者如箕踞俯者如負簷或螺髻紺日嚴雅如瞿  
曇或厖眉鮐背偃僂如老聃矯如天女戲卑如童子參  
萬鬼若斲削天巧未易談招提十八寺過者常挽膝中  
有天人師久卧老柏庵法界如塵沙一一毛端含長風  
吹遊子鬢髮青鬚幽尋忽至此佳處若已語我家鴈山頂  
擇勝不敢貪但悲食塵子腐作書中蟬相逢一大笑新  
詩出長鋏明朝芙蓉路惟聽霜鐘鐺

同靳從矩宿天柱院

東南地勢下海水復善蓄青天久軒輊獨見斗栖揭古  
帝省下土東維成歌缺大靈駿奔走蛟螭改其穴泮水  
縮地入萬鬼拔山出想見風雨黑電火上下掣兩柱俄



支撐真宰仰，昨古遂令天行健，不復見。旋斃鬼工妙，斷  
削又不見。剝缺日月轉，半腹隱。避若兩蝶，我夜卧其旁。  
戶外白如月，開戶天冥冥。峯嶸立積雪，居然混沌素元。  
氣淡不裂，平生山水性。念此心屢結，緬懷萬物初。天地  
亦芽蘖，象人如螻蟻。細大強區別，俯仰聊自喻。白雲一  
怡悅，亭午日氣近。鳴鳥着清樾，我僕膏我車。前路有嶮  
嶮。

鴈蕩山

明黃

淮見故

端居困沉鬱，薄遊暢幽懷。鴈蕩風所慕，素志今始諧。涉  
境思已清，歷覽萬象該。屹如錦屏列，架若青蓮開。一柱

擎天起，日月相往回。群峯走其下，聯絡羅嬰孩。誰提并  
州剪越羅，不可裁。誰立趙壁幟，勁氣那能摧。玉女跨雙  
鸞，昂身紫霞堆。邀我縮卓筆，洒墨題蒼崖。石梁險莫測，  
飛虹架迴溪。側足難徑度，佇立空徘徊。或云神斧運剗，  
削搜坤倪。或云洪濤湧，衝激遺筋骸。詭狀欲窮詰，安執  
成疑猜。龍湫洩嵌竇，跳珠散瓊瑰。飄然隨長風，雲霧排  
空來。詎那清淨觀，跣趺據崇臺。佛刹十有八，廢趾滋蒿  
萊。存者僅六七，甲乙次第排。能仁據其會，金壁耀璇題。  
鐘梵遠相答，縹流互相携。進尋謝公跡，陟嶺登崔嵬。摩  
挲舊碑碣，殘缺湮莓苔。懷賢發清嘯，驚起猿聲哀。更欲



尋鴈湖肩輿倦攀躋從遊諸君子秀拔皆英才主席二  
老禪法相真獅貌欸留動洽旬展席傾尊壘賡和鑑金  
石談笑驅風雷懸車絕塵想此樂信悠哉採芝與斲苓  
聖訓近可稽宣宗送公致仕詩末云雁蕩峯高不可極  
中有謝公舊遊踪採芝斲苓可序應身在天北維昔李謫仙名與廬山齊覽勝發豪句曠達真  
吾儕人生百年內弱草棲纖埃題詩紀歲月重遊能幾  
回

連雲障

范

霖

字時雨邑人御史

山谷景岑寂木落已秋深浮雲滿空谷如獸復如禽隨  
風漫結影出岫寧無心從龍今當起化作箇甘霖

北鴈步虛詞

鄭善夫

號少谷閩縣人郎中

昔我夢翼飛去與王子親雙雙鸞鳳簫吹破猴山雲翻  
身大火坑洗髓明河津莽然馭白鹿下宴瑤池春枉駕  
鴈蕩陰元冥閉天閭醉掃千丈石萬仞留至文只今靈  
峯洞元氣猶氤氳悲歌草木偃坐嘯天地闡歸來鏗光  
彩大隱金馬門君看東方生至人伏垢氛詎那不了道  
一壑空云云

送葉澄遊鴈山還金陵兼呈大司馬喬公

顧

璘

號東橋蘇州人左叅政

泛覽名山圖鴈蕩天下奇天吳舉蓬島亂擲滄海湄



屹老蛟脊結曲蟠桃枝攢峯蔽青冥星斗書陸離靈湫  
倒銀漢六月飛寒澌仙人隱洞府玉簡靈文垂白石充  
餽饜紫芝可療飢鳳笙乍縵縵鶴駕時逶迤綠髓苟未  
變丹梯詎能窺葉子道者流風稟煙霞姿去年遊武當  
未愜心所期今春策短杖直往了無疑天台逢高生拍  
手欣相持遡流問桃源探穴尋仇池俯瞰不測淵仰攀  
萬仞危端坐天柱峯要觀日出時扶桑射東影見照蒼  
龍鬢太湖僅一勺匡廬忽平夷呼酒酬蒼梧鳳鳥來何  
遲浩浩浙江濤伍胥今為誰桃花落已盡茅草含碧滋  
啼鸞勸客飲正與煙光宜滿舉白玉斗吞却東南陸坐  
覺方寸間雲嶠相撐搢歸來回風亭日光如玻璃瑰磊  
作奇畫琳琅吐新辭顛倒雷電走蒼茫神恠悲十日說  
不輟齒頰生涼颼四座煩鬱散聽者俱忘疲靈秘自此  
洩海若安能私遠拜大司馬請陳賤子詩足知噴屹勢  
縱橫列階墀迢遙金銀闕夢寐如見之謝客休挂席孫  
公應解願何必舉五嶽高下論等差至樂有同好難與  
俗子知

晚度四十九盤嶺宿能仁寺

龔秉德  
濮陽人  
郡守

霞障吐晴嵐丹岩懸麗景溪壑發煙雲靈光變俄頃陟  
峴引羊腸攀蘿辨蜒迢登躡力云疲步屨詎能整始謂



畫嶽岑旋復履華頂遙睇野雲昏  
驚山霧暝凝神玉霄峯寄矚謝公嶺  
下坂忽逢僧空門載引領旅宿林中  
禪石榻侵衣冷森森聞泉聲依依  
鑿燈影須臾海月來虛窻窺卧醒  
萬籟俱清沉群靈或昭炳起視夜  
何其河朗象星耿伏枕抱遐思  
羈懷靡所騁詰朝數奇觀歷盡  
名山境

石梁

王獻芝三見

鬱鬱蒼翠壑中隱維摩居採藥茹石髓吐氣升雲車  
鬪虎化石梁殘僧依洞虛煮茗酌飛泉共吸元汁餘

鴈山夜坐

趙廷松號保齋邑人別號

朝寧苑中蘭畏彼霜下歇宵吟謝公詩清歌達明發  
節換心屢驚年徂變元髮溪水鳴岩瀕涼風響林樾澗戶  
映疎星石梁橫天闕空虛宜留人光景坐起忽懷人竟  
不來西林照殘月

入靈峯

孔天胤號元谷山人提學

素稟幽石姿因心愛白雲欣茲採秀往涉此連山  
靈輝潤忽屢回輪囷互氤氳似煙流非薄觸石觸逾殷  
搃與太虛混都無區裏紛芝蓋倏已翔羽人其來群帝鄉  
倘可至豈羨雲中君

靈峯洞

吳子孝吳縣人推官



神岫轟坤萌危岩啟天竇丹梯逸龍偃涼風乃金奏鏡  
沼竦碧幹滌雲麗元圃允協邱中懷江南獲靈觀飛旂  
凌九霞揚桂采三秀悅彼乘鸞迹願躡安期後

題靈岩石壁

紆組外塵慕躡步仰天遊霞障映新綺玉峯倚澄漱雲  
深翠壁淨谷窈丹泉流閨風未足儂珍怪焉可求拔條  
漱餘芳捫石歷遐幽靈庭茂奇賞矯首獨夷猶

鴈山

方

召號蕩雲本  
山人教諭

鴈山高棟天形勝冠閩越老翠盤崆峒靈籟發湫樾落  
日愁栖猿秋空碍飛鷗望望令人憐浩歌石山岫

天柱峯

劉康社

字以吉永  
嘉人布政

雄山首南戒名區惟台鴈莽蒼矯靈標峩之矗天半閩  
闔倚隆棟懸圃接危觀翠微迴日月截薜出昏旦視下  
亦蒼蒼野馬紛相亂溟漲祇一杯天河揚微瀾伊人排  
九關凌空振羽翰呼吸上帝座徊翔武彞慢流霞潤丹  
府六瓊作三嘆長嘯開浮翳鄉雲忽以爛願言躡霞踪  
長裾曳霄漢

遊鴈山

張德明

字毅字邑  
人茶政

朝遊鴈峯頂暮憩龍湫陽冥搜謝公跡苔封屐齒香剝  
蘚讀古碣席草飛羽觴窮眄象緯逼頰首江天長元雲



翳峭壁金芝鵜出高岡摘來不敢食鷓鴣猶趁蹌逶迤  
下林樾思居恐太康何如含香使車馬日彭彭相期體  
憂樂春念山民傷

將入鴈蕩雨憩樂清張匡原明府邀飲西塔院

鄭汝璧

微尚寄名山蕩南來杖履山靈欲試手雨師遣相遇賈  
勇氣方新天光發襄素夕翳忽以祛晨熹恍將露仙吏  
諧夙心輟琴柱三頽置酒臨崇岡翠盤引高步古剎入  
青霄千峯莽迴互海色生暮潮葉葉風檣度盪胃已生  
雲握塵旋披霧日落返中車裴迴雙溪路明發謝主人  
花紅復來昭

白四十九盤嶺至能仁寺 何 白五見

疊嶺疲攀緣逶迤歷幽緬屢憩及層巔游觀稍忘遠磴  
盡嶮乍窮路反林初轉碧澗疏寒流風篁媚清淺紫茸  
蔚蒲渚芽蕤冒蘭坂深徑已久霏懸崖猶薄暝合岫故  
精藍中峯抗高館微鐘度遠岑游雲互舒卷列廡休人  
徒夕憩聊栖偃夢與幽趣通情隨物慮遣汗漫極茲游  
靈區詎能限

同似菴尋淨名廢寺故址地有水簾谷初月洞之  
勝



雙林夕寂茂風泉  
闕靈跡靈跡能娛人  
屢枉紫煙客  
關士邁前征披襟理晨策  
故衞偃崩梁新蹊擁危石  
冷冷灌木吟灑灑清流激  
寒蕪立寶幢遺基卧  
夔陵緬既以深忘疲亦云適  
斷峽束長天輕霄覆青壁  
崖崿限馳輝光傾景先  
夕陰洞抱飛泉激潭漱靈液  
水碧信可奪瓊蕊紛堪摘  
心契神已超目盡意難極  
感往結深情即事交欣感  
行當復來茲一振東林席

自響岩道中至靈峯洞

亭午命籃舉象木陰修連山自映帶靡迤趨平疇側徑  
窈深入秀色相繚糾天虧萬峰影雲華午澗流歎石攬  
文豹神淵駭潛虬洞府縮壺嶺雲杪開崑邱捫葛躡霧  
術辭乳風瀏瀏天竇夜闕日金光結飛樓瀑泉夏吹霰  
丹溜湧靈湫窺臨極遐想愉悅聊淹留至樂豈虛假冥  
心寧外求雖非獨徃客言忘誰與酬願附息陰旨將從  
鸞鶴游

贈大觀上人有序

大觀師數座能仁禪院演說楞嚴元義上足惟心  
過余乞詩予戲為縈括山中諸峯名品點綴成篇  
欲令頑石皆能贊說般若吾師無笑老人憨態效  
小兒聚沙作塔也



括山老古錐孤峯聳高韻機警似天童風流類走道  
水渡香象鳴鞭策神駿三觀紹南宗無餘標秘論試演  
迦陵音善巧能隨順稽首首楞嚴無上法王印七徵耕  
真常八還啟餘蘊指亡寶月圓華滅翳根盡錦溪久云  
涸法源待公濬更願嘆龍漱普同一雨潤慧照今復明  
火焰揚其燼玉女散花叅瑞鹿啣芝進大士施瓔珞羽  
人具齋矚山樂不時鳴紺珠或盈寸老僧為點頭童子  
遙問訊物契真如何况諸檀信曰予晚焚修推慕吾  
家肯欲具浮海航辦香一親近政恐東林公裁書拒靈  
運

芙蓉道上望海

晨策涉高嶺周覽渺無極際海挫練光溶滄瀆寒色青  
旭浴汨瀾萬里湛空碧躍冶流五金飛霞影千赤引領  
獨遭佃蒼茫渺何覲允哉百谷王邈矣群仙宅三神曠  
安許十洲宵難即不逢赤鸞車空裏紫煙客安期但遺  
筌空言鍊金液何似海上翁機心共鷗息滄溟可濯纓  
陽阿足晞髮斗酒聊自娛吾以適吾適

錦溪

林壑靄初霽迴溪響潺湲的皪紫霞石寒瀉琳琅泉眷  
彼金光草澗畔茁紫煙願言踐道軸于此以延年



觀大龍湫

樊良樞豫章人  
提學

繡谷上朝暎叢雲列岫屯仰觀瀑布水蕩漾無朝昏冬  
至氣微薄游絲散細縕精靈燭白日崖光互吐含乍如  
曳白練峭壁拖長幡又如撒珠網拂水下重綸日照分  
五色風起亂續縐搥鼓復吹角頓令銀河翻安得升天  
梯縱步尋仙源

題鴈山圖并序

國朝谷應泰字霖蒼燕  
人提學

余于役至永嘉聞龍湫奇勝思費勇一往時與勢左  
攀跣無路有進此圖者慨慕交并聊綴短篇用寫心  
懷遠慚康樂之題斤竹庶幾子廙之念武陵云爾

陶公說桃源李生夢天姥由來達士懷探奇心力苦何  
為謝客狂未識龍湫雨精靈閉千年伐木乃見取咄哉  
康樂屐不及樵人斧顯晦信有時微理豈易數余仰諾  
詎那力能輕主組天荒路漫滅崖谷亂豺虎遙想芙蓉  
峯雲石紛無主執圖空嘆息淚落青松塵幾時稅塵鞅  
凌風入瑤圃

龍山擬古山在  
蕩陽

王平世字衡甫  
邑貢生

雁蕩四十里萃祥見龍山芙蓉樹其背清溪浩迴環白  
龍出沒遊上有群仙傳張仙乘白鶴李仙駕玉蚪哀我  
住山麓穢濁腥丹邱招我曳霓裳騎氣覽九州溟滓論



得喪十載同浮漚高揖王子晉吹笙緱山頭

抵羅漢寺憶臥雲師

李象坤號身菴 邑貢生

振衣石城嶺回眺觀音岩漸與東谷違下嶺涉激湍遙  
瞻飛來石迤邐啟松關鐘聲越谷口白雲與往還至人  
不住世大德難追扳誰為隻履歸嗚咽扁石龕只遺芙  
蓉峯百載常嶺屹

飯能仁寺

朝發芙蓉川登涉丹芳嶺七七盤鳥道乍與諸天近祥  
雲忽起嶂旭日映成錦下嶺履廢寺歌楹發危凜郁庵  
住開士欲令茲邱整撥宇話古今茶煙當畫靜鍾已逐  
塵飛鑊尚卧荒井百年無駐形而况千餘稔前朝碑莫  
尋百尺雙泉冷

鴈山

蔣 埴 三 見

惆恍入雲路置身霄漢間冥鴻香無際鳥道絕人攀安  
得振羽翼飛去旋復還巨靈闢繡谷峭壁儼仙班聽詩  
傾石叟天女散烟鬟塵襟頓欲洗荆斧力為刪孤鶴凌  
霞峯雙鳧伴石間東南奇勝處應獨占名山

從令縣蔣臥雲先生遊鴈山

韓昭豐字燕公 四 明人進士

夙昔懷靈岫遊神夢寢間彷彿攬青霏微萍事躋攀詎  
幸高軒嶺畧恣往還奇巖森秀削怪石恭翠班鴻鴈泳



清沼芙蓉粧曉髮靈氣太蟠結葱蒨不可刑地偏心逾  
遠境幽身俱閒何當十餘鏹為君買此山

芙蓉村曉發

林元煥字友斐  
邑庠生

一夜夢登山開門望疊嶂借問幾程途去山云不遠策  
杖勿及晨鴻蒙游元混笑指嶺頭雲閒閒卧得穩

丹芳嶺望遠

入山不必深光景已迴絕天半列常雲嶙嶙而岌嶭翠  
與蔚藍齊瑩分白玉潔只露一峯奇已教萬山拙伸手  
理浮雲俯視俱一切清興與誰同新歌流幽咽

積陰道能仁寺

積翠亦有香潤我衣裳好行行轉林阿空山有至道岩  
石甚晶瑩松具鬚眉老陰陰景象閒雲氣含太皓躑躅  
不能言幽思生春草

登飛泉寺

隨雲必有路拄杖勿計程潺潺流水外如覺鐘磬聲松  
杉翠欲滴粟鼠聽客驚元氣涵群動嵐光象外清偷然  
轉生意人世若有情岩角露屋瓦一半白雲橫

七言古詩

淨名寺

宋周邦彥見故  
事

淨名菴畔水簾谷萬仞蒼崖漱寒玉瀑布如簾窳地垂



更有鶯聲如度曲

鴈蕩山

釋惟一嘗住緇興

四海名山曾過目就中此景難圖錄山前向見白頭翁  
自道一生看不足

大龍湫

樓鑰字攻愧明州人郡守

北山太行東禹穴鴈蕩中山中最奇絕龍湫一派天下  
無萬象贊揚同一古行行欲入兩山間蹻碎苔痕地將  
拆山窮路斷脚力盡始見銀河落雙闕詎那安坐看不  
厭騷人弄詞困搜抉謝公千載有遺恨李杜復生吟不  
徹我遊石門稱勝地未信此湫真卓越一來氣象大不  
侔石屏倚天驚鬼設飛泉直自天際來來處益高聲益  
烈銀漢倒瀉三峽流到此誰能定優劣佳山佳趣須要  
領一日盡遊神惡衰驪龍高卧喚不應自愧筆端無電  
掣輪困蕭索湍不怒非霧非烟亦非雪我聞凍雨初霽  
時噴激擊生風散空濶更期雨後再來看洗淨一生煩  
惱熱

龍鼻水聽琴為劉芳在作

元李孝光四見

玉筍仙人鞭白犀天風吹度芙蓉溪手脫長劍洗妖血  
驚起石上元蛟啼炎沙燒瓦鱗甲赤腹中慘淡蟠雲霓  
頑錢出冶太古色霜露欲結風淒老翁摩挲莫驚汝置



之膝上聽其語大聲伏雷鳴地中小聲颼颼吹風雨阿  
香辛若玉龍睡收靈捲電還元氣領底明珠忽迸落金  
支羅襪凌波去江清雲煖天無風暗潮自撼黃銀宮紫  
鬢元甲卧不動真翁龜息深至踵大笑欠伸忽飛起清  
月蕭蕭在秋水君為我起扣其用我亦長歌返其撲却  
騎過海呼安期遠君七尺珊瑚枝

宿雁山作瀑布歌寄徐仲禮

金莖刺天一萬丈湧出海底開青蓮下有三千六百地  
軸相鉤聯壓徧東南地欲折白龍捲海飛上天雷公擊  
鼓馮夷鞭龍繫入江化為石巨靈扶起太古色應真宴  
坐天人來十八招提若幻出長風吹開天骨碧

龍湫行送軒宗冕歸山

此詩一本刻居頌

大龍湫小龍湫青天倒瀉銀河流海風吹練白杲杲雪  
花滿面寒颼颼詎那大士濯足處碧波下見長黃蚪山  
僧洗鉢白雲動澗猿飲子蒼岩幽神蹤隱現不可測  
境變化誰能求道人此地昔追遊冷然一錫辭神州天  
香飄飄滿衣袖散作雨露東南陬老夫送別歎龍湫笑  
蓉花開溪水頭永嘉妙語猶可續永夜松聲消客愁思  
君何處寄清夢三十六峯明月秋

鴈山四景

明鮑原宏

字元濟黃岩人邑訓導



交刀亂剪銀河水飛入龍宮作瓊蕊珠簾半捲梨花雲  
擁出霓裳舞神女窟壓萬丈空玲瓏瑤光接天九重天  
上群仙正相待袖拂剛風跨玉虹

和沈憲副遊鴈山韻

黃

采

永嘉元簡  
公子少卿

名山秀拔何穹然呈奇獻異滄海邊  
朶朶青削芙蓉妍  
雙鸞颯沓挾飛仙玉女相從下九天  
赤城閩海遙相連  
神僧西來欲扣禪銀河倒瀉落奔川  
詎那宴賞支兩肩  
繡旗高張堅壁前  
鰲柱聳立凌長烟  
歸龍洞口垂腥涎  
手提卓筆揮彩箋  
石屏醉寫紫霞篇  
佳句驚人遠近傳  
敏捷獨數烏臺賢  
恨不追遊為執鞭  
海天雲樹徒聯蟬  
嗟予性僻耽林泉  
拂袂何當車早懸  
飄然徃買數頃田  
看山把酒終餘年

小龍湫瀑布歌

裴

紳

魏右山  
山人御史

瀑布噴流千仞岡  
僧言中有老龍藏  
吞雲激電下東海  
隨風洒潤如飛霜  
我來到此看不足  
古殿陰森毛骨涼  
疑是素絲挂絕壁  
倒懸銀漢注石梁  
屏風九疊錦霞張  
影落明湖青黛光  
老僧指點矜奇絕  
忽如雷雨來愴悵  
深山大澤人迹荒  
風起夕曛驛路長  
萬山回首轉羊腸  
空留餘潤沾衣裳

龍鼻泉歌

夏

猴

魏赤城  
臨海人評事



巨靈何年一血指，擘開百丈蒼色石。壺龍出山不出山，至今尚有蜿蜒迹。雲斷天乾石自潤，龍息深深泉一滴。世間萬事見者真，病眼摩挲尚青壁。

大龍湫

王獻芝 四見

千仞錦屏雲裏結，蕩湖老龍精沫泄。飛崖隱隱生白烟，舞空英英散晴雪。精光射日成長虹，瀟洒向人隨天風。露衣帶得清冷氣，倚壁坐對珠簾瓏。繞谷迴風欲盡轉，寒光映日不可見。須臾出谷洗剪刀，斷行雲太空見。我欲隨龍遊越甌，射狼股慄奔荒邱。乘時飛泉轉潤澤，消我東南萬古愁。

同萬五溪公酌瀑布下

朱諫 三見

高崖仰刺天，骨碧龍湫水。自崖端出雲間，一瀉到深潭。上下相懸幾十尺，和風習習嵐氣消。細雨霏霏酒杯濕，貪看未盡眼力高。萬中岼向斜陽立，先生慣識川流意。駐屐停驂總深契，白頭老叟亦忘歸。點筆斜闌覓詩句。

遊鴈蕩山歌天柱峯月下作

侯一元 五見

高平逸思乘春發，星飯盤迴度林樾。行攀霧雨不辭勞，到惜烟霞坐沉沒。枕上愁吟聲正悲，冷然坐覺天風吹。淨掃青天放紅日，山靈一夕開雲涯。初沿石瀨屬清淺，更訪雲臺陟高岼。鰲簞虫書手自摸，蒼崖黃嶺心能辨。



春遊爛漫散晴暉海鳥江猿共息機祇從雲外遊籃輦  
忽向山前途白衣白衣山人孔文舉屠君亦是青霞佐  
鐵笛相携吹洞雲玉杯並坐分仙乳山路俄驚白雨霏  
天邊遙指玉龍飛牛渚千尋懸組練驪淵萬斛瀉珠璣  
輕吹岩霧縈風色寒舞天花凜雪威可是天孫落機杼  
剪刀擲立何崔嵬崔嵬巖巖連天起復道撐天有天柱  
屏風千疊張錦霞側翫雙鸞扶玉女樹杪初窺欣一笑  
到來却立抵狂叫已許高雲礙不飛更堪夜月孤相照  
爾時山頭欲二更禪堂吐月寒飈生灑氣空濛灌絕頂  
明星迫窄愁孤撐澗戶時時猿一嘯春空澹澹鴻蜚鳴  
山人杯擎羅前庭舉頭仰視天宇清中天一道破深碧  
影入虛無連紫宜吾聞八柱撐青天共皇一怒七柱并  
穹崖剝落赴東海獨留此柱支天傾卓筆書空何崢嶸  
展旗上獵蚩尤精雲間乍歇彭鏗杖月下遙聞子晉笙  
嗟我馳驅走京洛半生踪跡達瀛鏡裏行着元鬢改  
岩間空對紫芝榮何時拂衣謝明主鑑湖一曲隨漁父  
古洞黃精帶雪鋤春澗龍團乘月煮舉觴閱月月不留  
古來才傑多愆尤謝公蠟屐若不遠千載榮華成古邱  
男兒遊當十仞天柱峯濯當萬里雙龍湫安能趨趨偃  
倭向高貴蟲禰鬢生煩憂



靈峯洞烹龍湫頂新茶歌

何 白六見

鴈頂東南天一柱上有天池宿雷雨夜半光飛一縷霞  
海色金銀日初吐仙茶盤攫于其巔雪噉霜饜枝幹古  
石根澌澌養靈芬雲表滾滾滋玉醪按烟撥霧出萬峯  
稟性高寒味清苦山僧手持汲白泉活火新烹香潑乳  
玉華甫軟靈氣通一洗人間幾塵土粉槍朱旗殊失真  
鳳餅龍團何足數白茅珍品說洪州紫笋佳名傳碩渚  
寧知此地種更奇僻遠未登鴻漸譜啜罷臨風憶舊遊  
天末相思獨延佇呼龍欲載小茅君斷冰共向雲中煮

同鄭崑巖中丞憇靈岩周覽諸勝中丞約予築室  
上方醉後放歌

萬山黛色橫高空一磴潛與風雲通遡風躡雲窮窅窱  
崑邱群玉抽玲瓏混沌初開元氣裂想見雕鏤愁化工  
雙闕璫臺闢紫府芝蓋挂旂明翠羽星海真源接鴈湖  
絳河練色低天柱丹障寒蒸太始霞石屏晴噴靈湫雨  
玉女烟青十二鬟彩雲欲駐雙鸞舞蟾蜍不敢薄陰精  
殘夜天回日初吐蒼龍大矯驕未醒玉乳鼻端吹栩栩  
鄭夫子丹邱生谷口君為子真後琅函舊注安期名手  
翳綠芙蓉飄颻遨紫清我亦鞭龍出岩扃天台委羽但  
咫尺盃中一綫搖滄溟對博山隅紆六箸殘棋石上窺



明星帝之弄臣玩人世久憇棗館晨椒庭安能隨齷齪  
啄腐而吞腥君言上方足靈氣攬結清暉還此地看君  
姓氏早登晨以我風神應度世玉筍虛藏五嶽圖名山  
坐扶千秋閱金壺七返飛黃茅琴心三疊朝東華閒從  
瓊畛種瑤草醉向天壇眠落花君不見青蓮居士李太白  
司馬子微相賞識逍遙乃賦大鵬篇揮手青天遊八  
極

寫龍湫圖

斷崖峻嶒幾千尺一片鐵花淡無色何誰玩弄太好竒  
云是巨靈之所擘中有噴薄飛來泉殷殷雷霆起空寂  
玉龍夭矯出幽宮玉鱗銀甲紛狼籍迴颺吹作滿室雲  
青天淋漓雨蕭瑟須臾斜照開石林赤霞倒光相射絞  
人明珠落萬盤天孫綃衣裁五色姑射仙人冰雪容笑  
躡紫烟下空碧山人大叫稱竒絕萬壑溟溟去無跡  
吳綃剪得掛君堂時有風雨生四壁

展旗峯

國朝陳志昌字鳳占邑文學

芒碭山中赤帝子義旗起向東南指羸項驅除帝業成  
此旗猶展煙雲裏

瀑布

陳善字與同邑人知縣

呼童剗竹泉堪取百丈花龍化霖雨青天白日濺飛珠



冷滿詩脾思一縷

天柱峯

松宗孟三見

一山聳立衆山俯石尤  
蚤起天吳怒巨靈伸臂截中央  
鯨鯢不敢窺門戶

龍鼻水

蒼龍倒飛雲母窟  
領珠一粒冰肌骨  
我來拄杖乞深杯  
坐向青天洗明月

羅漢洞

石破諸天驚欲下  
嵌空萬仞飛長廈  
游人到此莫淹留  
恐惹雲中鷄犬罵

大龍湫

陸

進字蓋思錢塘人永嘉訓導

龍湫飛舞千丈泉  
噴薄林杪輕雲烟  
怒如驚濤輕如綿  
遊絲裊風秋半天  
對面不聞雙眼濕  
象鳥不下窮猿立  
堆花灑苔石為穿  
神蛟不語山精泣  
峯迴日色忽變曉  
剪碎銀波五色皎  
木石盡作澎湃聲  
夜深起視滄波渺

大龍湫歌

彭啟豐

字翰文長洲人學院

東甌夙稱山水窟  
西谷龍湫最奇絕  
濤奔百丈下銀河  
簾掛千重噴素雪  
翻以四井掛高空  
隨向天風經曲折  
如越如布迭彌漫  
非霧非烟歛明滅  
聲疑鐵騎走空壕  
影似蒼龍起神穴  
遊人佇立向潭外  
亂洒襟袍凜寒冽



頃刻盤桓百換形忘歸亭畔難輕別  
犀牛獅子瑞鹿眠  
天柱剪刀卓筆列百二峯巒采采  
夫欲往尋之路嶮崿  
哀禽叫樹聲悽悽伏獸投林狀  
蹙躡卻願能仁認去踪  
綠蘿蒙密流泉咽

長短句古詩

登靈峯

元陳德永再見

我疑邃古初奔精墮南斗元氣淋瀝  
壁石開帝遣巨靈  
來試手想當剝削時震撼天亦驚  
至今萬萬古齒齒搖  
空青空青離立盡奇峭遊子見之  
為改貌又恐濤波春  
蝕餘尺土無由逗痕竅一峯黝黑  
中窈宏下有線路攀  
幽藤崖心如瞰鬼窟穴石口忽漏  
天聰明前直兩峯上  
雲雨爭來效奇若掀舞橫林掩  
萬夕氣薰飛翠走香酒  
晴紫班荆久低回沉思繚元理  
壯哉天地功設奇乃如  
此大風簸積氣勢至即凝聚均  
坎機則然胡為浪嗟擬  
翻然破來路寒月照潭水

鴈蕩吟送秦文學還吳

鴈之蕩兮乃在甌越之野瀛海之  
堦有萬齒菡萏鏡青天  
東南形勝此其最我嘗着屐周覽  
於其間厥初宰物孕  
雄恠元氣混沌何由穿巨靈運斤  
鑿鬼竅列缺吐火施  
神鞭遂令後爾萬萬古見此錯愕  
難為言上疑日車解



轡傾側過下恐地軸撓動相鉤牽昨夢尋君拂烟去有  
擁芝蓋導我前崩崖旁豁瞰空洞迴溪不定行蜿蜒狂  
雷砰訇起何處白龍噴薄飛層巔熊蹲豹擲若怒若啼霞明  
霧湧倏閉倏開重重掩掩變幻不可以極兮我方矯首  
覲立乎雲梯南望海水不滿杯灣環下繞山足來仰攀  
玉女駕笑踏飛泉低群仙集倒影雜佩中徘徊聳身直  
上浩無際海月正掛吹簫臺於焉得深快扶桑警天鷄  
遽遽驚覺在枕席但聞落葉如雨風淒淒君來謝我欲  
西邁惜此不及窮扶携我知君身有靈氣世上塵土胡  
能走推仁澤物本我事成功歛退真奇哉碧桃花發俟  
君到勿使引領雙眉推

與陳叔夏遊石門叔夏有狼石忽中斷勢若兩虎  
鬪之句予輒足之  
李孝光五見

狼石忽中斷勢若兩兎鬪白龍來嗅之仙聖不敢捄想  
當二物爭雌雄馮夷擊鼓張其味日車為之翻地軸為  
之仆至今兩門開天遣百水湊吾聞神禹疏龍門蜿蜒  
偃伏夾左右坐令遺黎收樹藝嗟哉神龍之功獨何有  
鴈宕高為蒲溪修橋作廟道人賦

明章 綸見故事

鴈蕩高哉凌霄漢兮上聳層巒疊嶂千峰萬壑崔巍翠



岸之重山下流淵泉支派長溪曲澗溢溢泛漲之狂瀾  
象水合流兮汙泮匯山口推開西岩兮對距石門關中  
涵大潭深莫測淵如碧海盈西間時有神龍出沒兮蜿  
蜒蟄潭底早歲行雲施雨布澤沾人寰潭水下流汪洋  
兮廣蒲溪之崖岸奔湍走石通海兮盪水漲之長灘吁  
嗟行人兮南北來往溫台路經蒲溪兮如渡灤瀕何其  
難或厲揭病涉兮幾人沒溺長吁嘆或偃僂提携浮沉  
兮幾人臨流愁改顏美哉道人作廬居此側酸金造橋  
創宇任徃還遙見輿梁如長虹之駕滄海兮嗟爾行人  
如復坦途輕且環又見虛堂靜院如仙洞之桃源兮嗟  
爾行人寄宿若赴居室清且閑美哉道人兮菴居此地  
力行義承久濟人利物賑民艱噫吁嘻世有在位君子  
推此心兮能使政平訟理散財發粟不患不得蘓惲鰥  
不患不得蘓惲鰥

鴈山書院

張邦奇

號南川四  
明人尚書

君不見鴈山盤紆東海壖西有靈谷吐納千峯萬壑之  
雲烟平疇黍稌鬱蒼玉曲澗松篁鳴綺紵谷中主人雅  
高尚築室讀書多幾年客來煮茗坐深夜共評清風明  
月由來偏我今白頭厭塵鞅幾回夢落仙岩泉終當買  
舟携酒間幽勝日久與子相盤旋



鴈蕩篇和許松臯韻

黃 繼再見

南鴈既窮轉而東山水秀異爭寵從中有鴈蕩最奇絕  
盤桓百里皆昭融山根拔地三千七百丈穹湖隱漫不  
知何代曾沉鐘蒹葭楊柳似非世間物但見鴻鴈職職  
飛來同我昔經觀猶記憶軒身直上倒看滄海華夷空  
方壺倏閃萬狀璵璣或踞虎豹或蹲羆熊中天屹屹銅  
柱出揚旗攢戟抗長雲而上攻忽漫丹臺掩映掛霞嶂  
珠簾垂地聲淙淙雄風撼谷散作霧靄隨飛龍真元秘  
惜三萬載詎那卓錫發其藏今至今樓閣憑蒼穹梵宮  
十八點復明四谷瑰詭浮烟容曲池湛綠水錦溪奔黃

絨天橋駕飛絕寒坑極幽雄石門中斷湖霧起下有三

井泯然皆神工方崑遙望群山藂玉環跨海不可通南

溪仙亭遠相接枯蒼迤邐何當窮我曾令夸娥眉山半

夜聲隆隆須臾險恠會九席不須緣藤脰足晏然坐我

恬而冲澡垢入溫泉平生畢深衷洞前願築一畝宮雲

霞不偶世筆瓢我將終矯首山水與之化誰猶議擬推

鑿非人功君不見天地初判水火風大浸混沌崑崙凝

中古水始消此山巖嶮元在風水蕩激中

鴈蕩篇同華觀祭雍明偶過漫賦

錢

春

魏梅谷武  
進人御史



震旦東南第一奇芒鞋一月得其皮靈運開山自臨海  
石門僅爾一攀躋予行約畧試遊目恍然靈境暢心期  
四谷百二峯峯青芙蓉天柱高入漢卓筆儼書空空  
岩與靈竇神迹共仙踪石閣開闔闔石梁亘長虹天梯  
八百級峻極摩蒼穹雙鸞筵彩鳳一壁掛蒼龍潭澄鏡  
照膽洞虛雲盪胸平霞障邊紅霞映長雲嶺上白雲封  
雙剪裁雲飛碧落兩湫噴瀑灑龍從谿聲迴互百千重  
泉聲聒耳玉琤琮三賢五老將軍小童鐵版石鏡錦屏  
風隨物肖像難形容神工信極巧遊趣亦已窮四十九  
盤盤回首憶前景嶺盡山趾揀海中濤聲震撼蛟龍宮  
樓船將軍當出訊揚威耀武軍容振慚予想豆一儒生  
握符鈴閣司軍令鯨鯢立醢天吳泣時清海晏干戈戢  
從來山水有清緣天帝錫予湯沐邑羊公片石峴山頭  
因之不朽成千秋

大龍湫

王光美三見

鴈山神秀何瓊竒龍湫之瀑天際垂上有真人羽化之  
窟宅下有澄潭見底之玻璃紫屋中劃天門斷孤峯高  
卓橫蔥蒨飛泉如練下雲天千尺真疑瀉銀漢喧飀萬  
壑連涌瀄千峯懸初落眩冰玉半滴吹蒼烟寒飈瑟瑟  
迴地底飛流濺射巔屋裏雷霍霍如雲生八荒微茫似



雪飛千里河香傾洞轉晴雷青天風雨蛟龍起羲和御  
日出扶桑虹蜺五采流輝光恍惚天孫弄機杼錦雲燁  
燁迴天章又若群帝駭龍下閭闔咸池廣樂聲鏘鏘山  
川靈秀有如此匡廬瀑布安可擬浪說山南雙劍峯寧  
同天柱參雲峙當時却憶謫仙人有足不踏茲山之嶙  
峋安得會毫洒餘瀋烟霞吐色垂千春撫時感昔空嗟  
傷呼酒且傾三百觴連呼五白學鯨飲清狂我輩元高  
陽朱公落落吳門豪張生壘塊還須澆丹霞生梁進父  
耳熱翩翩欲飛舉人生大笑能幾回及時為樂傾金罍  
眼底策名逐野馬古人姓氏生莓苔酒酣放歌日將暮  
振策鏗鏗覓歸路長嘯一聲出洞門回首白雲不知處

遊鴈山出郭口號

國朝林文煥再見

携杖一身輕清風為我御十年不出門一朝澄萬慮閒  
雲片片嶺頭飛應識鴈山從此去

夢遊雁蕩歌

戴北沅樂清縣  
學教諭

靈峯百二古盛傳欲遊不遊心惘然鴈湖微我孰躋其  
巔龍湫微我孰探其源我即不能梯上絕壁絕臨深谷  
窮幽討尔將扶筇挂笏捫蘿附葛周覽於其間奈何東  
谷西谷百八十里之名勝十八剎洞天福地蔑由窺一  
斑聞昔蓮池尊者遊欲已不果吾儕俗骨自分緣應慳又



聞康樂遊徧永嘉山水屐齒所到尔獨遺茲山豈不能搜奇  
鑿險覽其秀爾時未經開拓無由攀今之視昔情景迥弗

類令我心遊目想竟夜不得眠昨夕神思恍惚結夢幻倏

有人兮提壺挈榼導我前瞥見奇峰峭壁層疊列萬笏削

出芙蓉朵朵青棟天矯若龍跳虎卧豹蹲踞婉若鸞翔

鳳翥鶴舞交翩翾翾忽轟雷陡作不知起何處懸崖萬丈

瀉落百道之飛泉又從雲根石竇隨意傾耳聽涓涓細流

如笙如箏如管絃紫芝青蒲彌滿巖壑不勝采松杉樟桂

交柯接葉迷雲煙杖策登臨那顧脚力倦所至紆迴曲折

皆徧連十里五里怪奇變幻莫可測矣帝飄飄獨立羽化

而登僊左手疑把浮邱袖右手疑拍洪崖肩長嘯一聲

山谷為之震蕩蕩驚覺乃在枕蓆邊凌晨急起語我都

人士約畧夢遊諸景當晤言聞者且疑且信名參半訝

我昨從雁蕩山中遙謂君寫出如許真面目直與吾輩

昔遊之境何異馬鳴呼雁山靈蹟果似昨夜所聞見任尔

神工鬼斧那得施雕鐫真幻兮姑置勿復辨斯遊之樂

尔合誇奇緣獨惜我来四百二十有四日豈無三日五日

七日之清閒况復名山相距不過百餘里胡為乎但向非

空非色之際一盤桓雖然此夢亦不惡料得山靈感我情

結牽鈎魂攝魄許從夢寐相周旋



雁蕩山志卷之十

藝文五

五言絕句詩

能仁賜額

宋王十朋四見

不到能仁久欣聞賜額還浮雲已過眼依舊好青山

赴試道經鴈山

故鄉從此去借問幾時還先自思兄弟那堪宿鴈山

望鴈山

明黃綰三見

盤嶺秋煙外亂峰霄漢邊遙知湖水曲留我釣魚船

羅漢洞

張池台州人



空山留幻跡天壁立高臺海濶月初上水流花正開

石梁

常商臣嘉興人

岩際石梁橫岩中石髓溜我來秋氣涼天光滿幽竇

玉女峰

陳懋邑進士

夜夜月為鏡朝朝雲作衣綵鸞飛不返惟悴倚岩扉

龍湫

章元會號五松居南閩應天判

白日飛寒練青天下虹誰將廬阜景移入鴈山中

看瀑布

朱諫四見

仙人着羽衣坐看山中瀑日斜萬木搖吟詩答空谷

憶山

侯一元六見

龜勉辭名山數日仍在眼遙羨山中人初不出戶限

度謝公嶺

蔣國輔邑人貢生

登登緣澗嶺謝守昔年開欲賦懷賢調慚無一斗才

老僧岩

蕭廩字允臨萬安人侍郎

老僧面壁觀車馬紛來往心鏡了不關莫更加清賞

天柱峰

一柱自亭亭四壁渾無倚莫笑麓頑姿天地期終始

玉女峰

玉女竚靈山含睇在遐舉許汝駕隼鸞更莫行雲雨

龍鼻水



龍在天地間存神還廢耳任鑿一竅開混沌何曾死

剪刀峰

天孫有杼軸雲漢幾昭宣吾欲施裁剪還歸象帝先

玉女峰

龍

膺字君善武陵進士郡教授

含睇倚霞障振衣凌雙鸞珊瑚瓊玉珮彷彿白雲端

龍鼻水

泥蟠海上山慘淒渾如雨何時皓蒼風雷任吞吐

玉女峰

王士性再見

名花饒寶髻青衿動天風空山誰是伴瀟灑自為容

望鴈山

國朝周天錫永嘉貢生

未向鴈山遊頻從鴈山過最羨山中人朝暮飽烟霧

靈芝峰

一名石芝峯周清源親故

英英青雲芝秀出萬仞上採之不可到獨立結遐想

靈蓮寺

曉聞靈峰鐘午入靈峰寺開窓望四山時有白雲至

天柱峯

湛湛天宇開何年女媧補猶餘五色石凌雲削一柱

展旗峯

羲和展靈旂六丁不能撼落日迴山光龍蛇走天半

龍鼻水



古洞卷龍首遊人捉鼻看可知行雨後鱗甲未曾乾

剪刀峯

鏤月空傳說裁雲亦未真輸他能剪斷十丈軟紅塵

老僧岩和周學憲

釋超智

字天目仙  
岩和尚

兀然坐鴈蕩曾不記春秋自許紅塵外雲端獨出頭

剪刀峯

似剪一高峯磨風今古快鴻濛從此開剪斷分三界

剪刀峯

張爾瑄

魏文石燕  
人郡佐

石剪刀如鋒滲高雙股豎未逢補衮人裁碎雲無數

道松洞

古洞傍岩陰雲封常寂寞仙人不再逢空對松花落

天柱峯

獨立凌青霄不羨女媧勸亘古有誰搖東南撐半壁

展旗峯

彷彿標高旆臨風影欲斜夜懸星幾點何必画龍蛇

展旗峯

時清旗不用空展在山間壯士誰來揭龍蛇竟日閒

石指峯

雲中見石指指指青天不屈人間事長伸日月前

石碑峯



建立在何年非秦亦非漢摸之字蹟無但見雲燦燦

五女峯

獨倚彩雲間不絳又不絳烟花醉玉顏月白今何夕

石屏峰

峭壁當空立明霞繪作屏屏前騷客醉叫出一天星

一帆峰

誰把片帆掛日懸夜不收風行雲作線大地一孤舟

菓盒岩

菓盒如混沌風雷劈不開可知天地秘任與世人猜

仙人橋

橋頭白雲聚橋下白雲流誰向此間步壺天可共遊

由四十九盤至能仁寺

劉廷璣字玉衡遼海人觀察使

丹嶺層層合梯雲一徑迷鐵鞵剛踏破覓得古招提

老僧岩

大得無生意真成不壞身兀然山口立笑引往來人

獅子峰

屏息深山裏年年秋後春但存剛健體不惜露全身

剪刀峰

怪石形成剪無輪百鍊鋼裁雲人未遇且自斂鋒鋟

僧拜石



龍鍾一老僧俯拜山中石遠勝世間人屈身當路客

遊石梁

宋許及之深甫

天柱昔飽觀石梁今瓶見愧此又枒安空費輪囷薦  
安得愚公移往作靈光獻笑兀千萬間普適寒士願

七言絕句詩

淨名寺

宋呂夷簡諡文靖河南人丞相

淨名菴下靈岩路峻壁層崖倚半空最愛老僧年八十  
一生長住翠微中

入鴈山

王十朋五見

家在梅溪水竹間穿雲蠶屐可曾閑鴈山新入春遊眼  
却笑生平未見山

題靈峰二絕

洞中大士半千身任世端能了世因應笑玉簫臺下客  
馬蹄長踏利名塵  
三宿靈峰不為禪茶甌隨分結僧緣明朝杖履丹崖去  
帶得烟霞過海船

龍鼻水

石梁雙合夾蜿蜒中有飛來萬斛泉一竅涓涓通海眼  
時興雲雨擁高禪

出鴈山



三宿山中始出山出山心尚在山間浮石奪我林泉趣  
不及山僧一味閑

和劉方叔溪上一絕

杖屨徘徊駐碧溪北閭遙看飛瀑下崔嵬乘槎欲訪吹

簫客王子烟草芒芒沒舊臺

再過鴈山

清秋秋天氣過山中征鴈行人路不同從此又勞千里翼

傳書來往浙江東

題斐峰資深堂

書生紙上見糟粕釋子舌頭談葛藤道在湛然方寸地

不知深造有誰能

題淨名院二絕

淨名却見老維摩願長道眼相看語不多待我衣冠掛

神杖杖藜來此老岩阿

谷中有月露蛾眉新月水織珠簾更絕奇水簾滿目峰

巒觀未盡有僧携紙覓題詩

瀑布

本待問字蘊之永

懸崖滴溜注深泉岩下斜陽鱗裏天醉坐此中寒欲粟

却消酒力阿誰邊

送陳輔賢出山作首尾

元李孝先六見



儒官不畏簡書催拄杖休驚石上苔行到水窮雲起處  
路從四十九盤來  
路從四十九盤來樹底看雲首獨回客裏不知身是客  
向人猶愛話簫臺

贈靈岩秀禪師

北林日午煖如烘盡日溪行曲折中自愛敲冰看魚上  
山頭樹影落溪紅  
密色都無霜露氣壁間看此一枝筇平霞室裏論文醉  
未信闍黎飯後鐘

雪屋為通上人之第作

倒挽天河轉翠微玉虬鱗甲滿天飛道人結屋東邊住  
愛看晴花不掩扉

入靈峰

明朱書卿邑人

雙鸞峰下踏莓苔鳥道斜經五老臺長嘯一聲風滿壑  
半天羅漢洞門開

仙人橋

章綸三見

兩厓排闥倚天高上駕橫空一玉橋為有廣寒宮裏客  
往來經過在雲霄

展旗峰

天造旌旄出地間萬年樹立鎮山關無心雲霧閒舒卷



有影龍蛇自往還  
皇甫汭馬鞭嶺一之十

玉女峰

周

旋

字仲規永  
嘉人狀元

一片年光覽鏡慵  
白雲斜掩碧芙蓉  
遙看黛色知何處  
只有高唐十二峰

遊鴈山

鄭善夫  
再見

昔年夢上百尋臺  
薄海鯨波天地迴  
四十九盤東向立  
鴈山猶是夢中來

章義樓

再尋鴈蕩訪靈邱  
為愛東甌山水州  
檢書已得忠臣傳

問俗兼聞章義樓

龍湫和韻

朱濂邑人

竹下烟浮僧煮茶  
草邊風軟是韶華  
芒屨無數看山客  
瀑布岩前數落花

和尚岩

裴紳再見

一僧兀坐似安禪  
日炙風吹不計年  
錫化空山應有待  
乘雲還許到西天

石梁

石梁突起半山空  
冷冷鳴泉瀉洞中  
古木煙深藏虎穴  
靈潭無底長蛟龍



玉女峰

玉顏何必要濃粧，獨立青霄出洞房。不效巫山神女夢，為雲為雨媚襄王。

卧龍潭

張孚敬見故

山川如滌密雲橫，誰滄商霖起旱抗。渴待龍飛龍尚卧，山中何以慰蒼生。

鴈山四絕

廖希顏號東雲湖廣人參政

千尋瀑布瀉芙蓉，一派銀河走玉龍。疑是天孫裁素練，

面前遺下剪刀峰。

剪刀峰高千仞巍，剪下天孫雲錦機。不見岩前瀑布綫，

至今搖颺如絲飛。

靈岩無主野蒿開，藤老雲深半古苔。只有雙鸞飛不去，

月明仙子洞簫來。

猿聲鳥語道邊聞，水色嵐光樹杪分。秋盡長空飛白鶴，

天風吹散石梁雲。

寄題鴈山書院

夏言號桂州貴溪人少師

聞君書院鴈山中，却在西岩第幾峰。何日青鞵訪靈谷，

白頭端拜蕩南翁。

登龍湫背

王健號鶴泉永嘉人少卿

萬仞危峰半倚天，白雲簇擁紫金蓮。順風直上龍湫背，



疑是乘龍到日邊

龍湫二絕

萬疊盤桓尋鴈岩千尋飛洒對龍湫雷霆地激澄潭起  
河漢天迴絕壁流  
拔地萬重青嶂立懸空千丈素流分共看玉女機絲挂  
映日還成五色文

和尚岩

龔秉德再見

壁立安禪迥自如露為清茹霞為衣從來群妄俱消滅  
塵劫名僧似爾稀

次鶴泉上龍湫背

朱守宣

魏聖谷蕩陽  
臨魯人知州

俠節扶搖自九天錦衣照耀鴈池蓮山人不預龍門約  
望見星槎犯斗邊

龍湫背

李頌邑人

玉龍千尺噴靈湫萬丈銀河瀉碧流乘興縈迴躋絕頂  
恍疑有路接瀛洲

天柱峯

侯一元七見

寥寥萬仞卓雲空黃道低分翠影中恠得地維長不缺  
千山雄壓海門東

玉女峯

行雲飛盡鴈湖巔玉女明粧尚儼然自是天皇卷衣伴



錯教人賦洛神篇

碧溪四景為蔡君守經賦

芙蓉水接雁湖春  
西岫飛花夾去津  
身在太平無避世

座中時到武陵人

新開水檻碧溪頭  
風雨茅堂五月秋  
何處招商歌漸起

柳陰深處過漁舟

扁舟高咏謫仙辭  
目盡雲空有所思  
吹罷玉簫清愛覺

滿天風露月明時

千樹梅花映水開  
風花相逐雪花迴  
應門莫閉溪頭路

畏有高人訪戴來

龍鼻水

絕磴懸崖隱萬峰  
長空昨夜起蛟龍  
真形化作靈岩石

噓氣猶成玉露濃

石梁洞

石梁飛渡自天台  
誰復移之此地來  
歲久渾如枯樹色

天寒忽見野梅開

僧抱石

面壁嘗攀少室龕  
嵩山遠摩洞  
鄉山重見倚江潭  
括蒼

千石如何要解西  
來意折筇南遊  
更再三

龍鼻水

趙性魯  
甌壘岩邑  
人寺副

林大春  
魏石湖  
陽人  
提學

何鏗  
魏嶺  
岩邑  
人



顛顛勻圓走玉孟卧龍鼻觀鴻明珠會看白日擎雲去  
一洒甘霖四海蘇

大龍湫

王叔果號西華永嘉人憲副

澗道秋生松檜風水花飛墜綠雲中未論天外招黃鶴  
且向尊前看白虹

靈岩

排雲玉筍聳遙岑獻秀爭奇總會心安得昔人驅石法  
稍移一二鎮園林

登龍湫背

李勅見故事

盤紆鳥道上青天萬朵真疑太華蓮自笑野人狂太甚  
春風三宿白雲邊

天柱峰

張國紀號瑞岩安人教諭

萬丈孤高天柱峰仙人曾此架長虹不周未必傾西北  
只為秦王到海東

登鴈湖二絕

項日葵字戴陽邑庠生

百里高岡十里湖人來不到鴈來多倚天一笑乾坤狹  
山下流泉屬詎那

天拍層巒揀漢關平分銀水一鴻來何如半借蛟龍卧  
共抱黃雲琢石苔

再至鴈山三絕



西到山中山轉青青山偏愛白綸巾一年一赴山靈約  
為語桃花莫笑人

女蘿棚下幾登山得到山中意便閒白玉芙蓉開落盡  
金風又送菊花還

三十年前湖上霞有僧採掇袈裟至今僧與霞飛去惟  
有湖雲管藕花

偕林子彥宿靈峰寺

綠水黃眉跨鶴仙山花飛綴霓衣妍偃筇一卧千峰碧  
佔得烟霞不計年

偕葉義琢阻雨龍湫次韵

佛火松龕相對清湫龍故吐涎腥短床三日聯風雨  
花沒芒屨不計程

初入鴈山

陳瑶號石屋  
邑山人

野客行歌萬樹林白雲蒼壁水聲深半空鐘磬風吹斷  
煙雨樓臺何處尋

靈峰洞

鳥外煙消洞壑清五峰秋翠轉分明遊人自是忘歸路  
坐聽風泉到晚聲

石梁洞

張佳胤銅梁人  
尚書

虹影高懸紫石梁洞門天放海霞光匡床欲借和雲卧



又報仙源道路長

靈峰洞

鐵壁千尋劈巨靈  
天門中斷列仙庭  
逍遙自隔人間世  
朝暮雲封不用扃

石芝峰

十丈金莖秀可餐  
歲蕤雲擁一峰端  
商顏滿地非難拾  
到此令人歎羽翰

僊人橋

飛梁矯首架層霄  
不數銀河烏鵲橋  
一曲白雲謠未畢  
忽聽風雨似相招

響岩

欽響群山在鼓琴  
宗生徒有卧遊心  
何如長嘯當空谷  
萬竅俱成鸞鳳音

大龍湫

乍疑玉練掛秋空  
非雨非煙萬壑風  
石壁夜深龍蛻去  
獨遺湫水作飛虹

劉芳譽

字際明  
大梁人  
郡守

屏霞障

摩天峭壁俯禪關  
炫目丹砂好鑄顏  
恍惚仙源迷路處  
亂霞飛逸赤城山



玉女峰

窈窕胡然玉琢成  
恍疑眉黛遠山輕  
貞堅自許心難轉  
零露何妨夙夜行

水簾洞即朝陽洞

百道飛泉小洞幽  
水珠高綴狎煙浮  
閒簾欲作山中觀  
一線垂天帶月鈎

石梁洞

山南山北霧濛濛  
誰向中天架石虹  
莫問珠林何處是  
鐘聲原在有無中

老僧岩

石上袈裟事已真  
石頭長自厭風塵  
懸知一片西來意  
萬劫難灰不滅身

錢城障

天迴皆障列長城  
壁色渾疑積錢城  
戍夜月猿獠愁莫  
度千峰縹緲白雲平

霍鸞峰

霍鸞欲翅在山中  
不乘長風出海東  
自願一生居鴈蕩  
恐飛塵世落人籠

龍湫背

携筇直上龍湫背  
俯瞰群山翠亂堆  
石坐忘塵世事白

釋明德見故事

王光美四見



雲飛去又飛來

玉女峰

何士晉

字武莪宜  
興人節推

春山為黛玉為肌  
一片貞心永不移  
莫怪露零沾夜早  
從來雲雨未曾知

卓筆峰

日煖霜毫自染丹  
雲煙掃盡梅花殘  
而今蒼蘚封彤管

猶有龍蛇穎裏蟠

龍鼻水

周應期

字克昌永嘉  
人都御史

回潭百尺映千峰  
石眼環之水一鐘  
早歲天教作霖雨  
欲將餘潤變魚龍

梅雨岩

林增志

字任先瑞安  
人大學士

寒谷銀河馮九天  
瀟瀟細雨弄崖前  
海風狂激晴嵐滿  
洗出含珠對月圓

大龍湫

張延登

濟南人

瀑懸千尺碧潭深  
碎鼓珠璣濺五音  
恨不携吾焦尾至  
漫彈三弄水龍吟

龍鼻水

鐵崖萬疊一窓開  
活々真龍氣息回  
分付遊人須仔細  
夜深還有伴尋來

剪刀峰



誰剪白雲作帝裘，剪完棄却立山頭。  
山靈借我閒，先剪胸中萬古愁。

老僧岩

花開花落幾番紅，今古山前一禿翁。  
傳語遊人莫嘲笑，往來公案在胸中。

天柱峰

峭石何年過化工，削成一柱萬山中。  
嶙峋豈獨凌蒼靄，岵嶇還堪柱碧空。

玉蟾峰

何物從天降碧岩，瓊臺銀闕却生嫌。  
空山夜月娟娟下，疑是嫦娥伴玉蟾。

林占春

字梅生，永嘉人，披貢。

一帆峰

國朝方趙思邑人。

片帆長掛海天秋，日過霞飛映碧流。  
摇曳不愁風浪險，古今多少渡龍湫。

廣蔭亭

王應昌御史。

迢遙山巖逼江干，沙漲堤埋逐浪盤。  
誰為蒼黎平險道，澄清好向一亭看。

宣公亭獨酌

王平世再見。

青嶂丹崖一水懸，幽亭獨酌思悠然。  
誰將開鑿乾坤手，付與空山掃暝烟。



卓筆峰

釋心明 號圓鑑住玉甌峰

卓筆峰兮卓筆峰  
虛空擎筆寫虛空  
夜來星斗連天畫  
不覺鷄鳴點日紅

石梁洞

林齊鑑 字覺侯號菴齋瑞安人

古洞崦呀別有天  
大玉虹橫亘吸長川  
雲歸孤寺僧初定  
鶴唳雙峰客未眠

老僧岩

獨立亭亭蒼靄間  
懶將瓢笠寄禪閑  
春風秋月經多少  
指點遊人入鴈山

飛來羅漢

稽宗孟 四見

獨立懸崖百尺幽  
行人到此各凝眸  
不知身世渾無住  
翻說飛來是石頭

合掌峰

兩峰卓立萬山巔  
拍掌雲霄不記年  
省却詎那多少事  
免教人悟指頭禪

僧抱石

說法終年領會稀  
坐中片石解皈依  
老僧喝石大笑  
獸抱青天看鳥飛

聽詩叟

王謝風流車未停  
幽竒日日惱山靈  
我來吟得詩千首



龍雁從君石上聽

石梁

出山還是在山人  
隔岫桃花認未真  
眼見石梁明有路  
老僧猶是說迷津

龍湫背

相蘿遠繞碧峰間  
萬斛泉源出暝灣  
鴈去鐘沉龍寂寞

李

棟

號喬生 邑貢生

白雲之外兩僧還

天柱峰

怪石崔巍上接天  
雲籠雨洒自年年  
峰頭誰瞰三千界  
候鴈驚回萬仞前

丹芳嶺

鳥道紆回七七盤  
嵐封霧鎖幾峰巒  
誰言謝守耽山水  
錯誤丹芳老不看

梅雨岩

岩上飛泉高百尺  
岩前碎玉擊寒石  
青蘿濕處少人來  
滿地莓苔鹿爪跡

自凌雲入桐嶺

鳥路盤旋萬壑間  
危溪迴合水潺湲  
晚春深谷行人少  
躑躅花開雨滿山

詎那亭觀瀑

徐鼎鉉  
字梅生 江都人



鴈湖飛瀑疾如雷極望參差石齒來一道玉虹吹白練  
詎那亭畔坐鷺猜

龍湫

蔣埴四見

萬壑千岩瀑布幽觀之不足是龍湫一清到底人誰識  
灑氣長同天地流

題諾詎羅尊者像

劉廷璣再見

競道峰頭是鴈湖水飛成雨滴成珠歸來傳與丹青手  
畫幅老僧觀瀑圖

資深堂

金

棧號景軒  
邑教諭

釋子鑿空撈水月詞家擣蒸劇溪藤真從糟粕通元氣  
不到資深定不能

雲門學舍雙峰寺兩地軒堂何處深三百餘年荆棘裏  
蒼涼留得古人心

靈峯洞

洞有洗  
心泉

林文煥三見

絕壁重重鎖秀峯洞門吸翠畫陰老僧一意耽虛寂  
何事高原更洗心

五老峰

霧作鬚眉雲作衣睢陽酬倡已全非不知何日來空谷  
貪看靈峰不肯歸

卓筆峰

蔡應聘字簡臣  
花村人



奇峰萬狀各東西好倩山靈巧樣題海作硯池天作紙  
筆花飛動五雲齊

詎那觀瀑亭

陳倫炯

魏資齋同安人總戎

行雲漠漠雨濛濛滌盡遊人百慮空欲識詎那觀瀑意  
聚沙世界一如中

過鴈山贈林季融

彭啟豐 再見

芙蓉峰下隱人居藝圃耘鋤自宴如笑指鴈山名蹟好  
每携筇杖曳籃輿

五言律詩

憶遊雁山

宋呂夷簡 再見

往年遊海嶠上徹最高層雲外疑無路山中忽見僧虎  
蹲臨澗石猿掛半岩藤何日拋龜紐孤峰上再登

大龍湫

趙師秀

字靈芝永嘉進士

一派落寒空如何畫得同高風吹作雨低日射成虹西  
域書曾說先朝路始通或言龍已老幽處別為宮

寶冠寺

行向石闌立清寒不可云流來橋下水疑是洞中雲欲  
住逢年畫因吟過夜分蕩陰當絕頂一鴈未曾聞

岩居僧

開扉坐石屋盡日少人登一鳥過寒木數花搖翠藤蒼



莫冰下水香炷佛前燈我亦逃名者何因似此僧

遊鴈蕩

康惇瑞安人

不怕石頭滑來為鴈蕩行平生夢不到今日眼逾明未

歷千峯秀先逢一段清遍觀從此始着腳履嶂嶸

石門菴即石門寺

翁卷字靈舒

山到極深處石門為地名嵐蒸空寺壞雪壓小菴清果

落群猿拾林昏獨虎行一僧何所得高坐若無情

寶冠寺

山多猿鳥群永日絕囂紛一澗水流幾房僧共聞柱

筇粘落葉拂石動寒雲誰昔來營此尋碑看記文

壽昌道中

舊志謂是詩非廬山作按僧若容與史彌遠往復書其時靈岩降為教院稱壽昌未幾以山外有壽昌寺輒奏復故額

故人多不知不得謂是詩非廬山作也

清遊從此始過處必須看背日山梅瘦隨潮海狎寒平

途迷望澗峻嶺疾行難聽得道人說今年冬又殘

龍湫觀瀑

晁端秀

萬丈龍湫水飛沆翠壁開始疑河漢落翻若海潮來飄

灑回時雪喧闐萬壑雷廬山我未到氣象勝天台

靈岩靈峯

戴復古號石屏黃岩人

駭見二靈境山林體勢豪揮空天在壯障日石屏高覽

勝苦不足登危可憚勞白雲飛動處絕壁走猿獠



淨名

林巒相掩映，峒谷獨玲瓏。下置維摩室，上通龍伯宮。靈珠四時雨，秋一簾風。甚欲觀新月，山高脚力窮。

鴈山

左 緯 委羽黃巖人

亂山無限好，幽徑有時名。石骨秋偏瘦，松梢老却低。天寒聞鴈過，月白見烏棲。海上知名地，無人識馬蹄。

龍湫

郭君舉

絕頂龍居宅，深疑與海連。飛來千丈瀑，下潤幾桑田。日虹霓壯，隨風雪霽圓。高寒吟未穩，欲去復迴還。

觀音岩

上得馬鞍嶺，奇峯應接頻。遙看孤絕處，分現普陀身。納月瓶泉冷，嬌春柳黛新。却疑吳道子，覷出此岩真。

天聰洞

混沌何年鑿，天聰亦強名。我疑龍窟宅，人說鬼經營。梯向岩邊架，雲從洞裏生。此行頑健甚，脚力十分輕。

維摩室

來問維摩室，因恭不二門。一龕間日月，方丈別乾坤。風落岩花煖，雨晴山鳥喧。何當分半席，默坐聽潺湲。

過芙蓉山

林景熙 號霽山平陽人義士

驛路入芙蓉，秋高見早鴻。蕩雲飛作雨，海日射成虹。一



水通龍穴諸峰盡佛宮如何靈運屐不到此山中

遊鴈山僧寺

薛 嶠 永嘉進士

野服掛僧單禪扉月未關桂香清近佛秋色老依山木  
落邊峯出溪迴流水閒相傳登蕩路數處可躋攀

代送彦明

元 李孝光 七見

詩舸幾時發秋風海水腥雲分鴈蕩路江繞姑崎亭大  
府文星聚名山僧氣靈憑君道問訊無恙讀書螢

能仁方丈

明 朱希晦 見啟事

山中松桂老濃翠鬱紛々水壯蛟龍氣風高鴻鴈群浮  
嵐晴後見疎磬夜深聞却憶龐居士衰年屏俗氛

淨名寺

纔入清涼境憑高意豁然山橫煙簇々溜滴雨消々靜  
坐維摩室因叅達摩禪奏各人已遠遺像閱千年

鴈山僧舍

鴈飛不到處中有梵王家翠老婆樹香浮簷蔔花晴  
峰鸛日月石室闕煙霞無分同禪榻飄泉試茗芽

遊能仁寺

陳 士舉 魏五山人

偶來尋勝槩長嘯入松關少憩林間寺逸看天畔山鶴  
眠清畫永僧倚碧窓閒歸路斜陽外微芒紫翠間

宿靈峯寺

黃 璨 永嘉人



尋幽來此地，四顧冷於秋。  
愛靜經三宿，偷閑約再遊。  
僧今無白足，佛古尚青頭。  
歸路鐘聲外，遙登十里舟。

過丹芳嶺

章 綸 四見

每過丹芳嶺，蜿蜒七七盤。  
身登三島外，足躡五雲端。  
素練懸崖瀑，瓊珠漱石湍。  
入林暑氣薄，秋滿萬山寒。

再過丹芳嶺

千古丹芳嶺，遊人去又來。  
霜楓紅似錦，春樹綠於苔。  
幽鳥逢人語，寒花待日開。  
風光還復舊，正遇一陽回。

宿能仁寺

章 綸

晚過寺前澗，先聞鐘磬音。  
入門齊拱立，向月共行吟。  
流水鳴橋洞，濃雲覆石林。  
僧房留一宿，酌酒滌塵襟。

大龍漱

鄭善夫三見

瀑布飛不徹，大聲空谷哀。  
青天下河漢，白日奔風雷。  
潭穩蛟龍定，歲陰鴻雁來。  
方岩倚天半，吾志在崔巍。

能仁寺

孔天胤再見

夕陽下山坂，旅宿山門禪。  
暝垂岩樹庭，昏帶雨煙力。  
疲甘宴處氣，熱喜涼泉時。  
有元猿嘯空，帟復不眠。

靈峰

蕭一中副使

靈洞撐天立，門開石竇新。  
岩花晴滴露，洞草歲常春。  
却愧登臨晚，無妨眺望頻。  
風塵苦宇落，何日可還真。



大龍湫

飛瀑沿崖下風飄亂作絲蛟龍翻石窟煙霧起滄池天  
地精靈洩乾坤造化奇靜看聊自得清興獨題詩

能仁寺

路向五峯轉人從天柱來梵宮凌漢起盤嶺倚雲開白  
日曇花落青天鶴哀壯懷知不減迥逼三台

靈巖

夏 鏃 再見

僧迓緇頻見峽開青不關奇峰立五六遠客笑中間朗  
月待今夜美人期此山短歌招玉女雙跨紫鸞還

石門次韻

黃 縮 四見

晚日開銀闕晴川看躍魚瀕維溪上艇來讀壁間書猶  
恨衡門遠那同太古居何時結茆屋共倚翠屏虛

龍鼻洞

裴 紳 三見

真境中天迥煙封古洞深石龍懸漱玉風磴坐鳴琴盛  
有青雲氣寧忘霖雨心願將一滴水直擬滌凡襟

鴈山次韻

王 俊 闕人 主事

萍蹤多舊友登覽此時懷勝概千年在浮生幾度來飛  
泉懸石瀉翠壁拂雲開不盡登臨興新詩取次裁

宿能仁寺

王 獻 芝 五見

空山飛野火千朵碧芙蓉客氣分禪榻湫雲鎖寺峰夢



驚靈運草心憶了公松落葉飛泉石翻疑雨意濃

贈芙蓉菴僧

龔秉德三見

山深無俗絆地勝絕塵氛錫杖敲紅葉袈裟帶碧雲  
虎眠依石坐鶴唳入松聞乞食歸來晚名香靜夜焚

石梁洞

一洞通雲壑雙崖跨石梁  
狹眠元籟寂禪定白蓮香  
邃竇藏靈藥空壇鎖法王  
好招鸞鶴侶吹笛坐繩林

天柱峰

氣奪群峰秀雄疑萬仞標  
根蟠來脉遠頂峻得雲饒  
翠態春常滿靈光夜歆飄  
誰能回造化移向紫宸朝

龍湫寺

李

顯號臺南邑人都御史

偶到龍湫寺來恭諾詎那迴  
流翻石壁飛瀑下銀河  
瑤草迷丹竈奇峰擁翠螺  
茲遊諧夙願便欲住山阿

靈岩次韻

施

悌號鶴洞黃岩人序班

五馬巡行地乘間共此遊  
兩餘芳草合雲起亂峰幽  
秘藏開千古奇觀界二州  
鎮山有玉帶應為洞門留

遊蕩北最高峰

陳

賈號芝南邑人御史

尋幽來蕩北遐眺滿天東  
海色浮元氣湖光照遠空  
世途傷老馬吾道在冥鴻  
此日陪蓮社長年任轉蓬

大龍湫

汪文盛

號白泉崇陽人御史



石筵尋幽入陰崖瀑布懸迸空花作雨灑迴玉為泉雲  
擁蒼龍氣風搖白鶴烟觀瀾奇絕處游目萬山巔

大龍湫次韵

朱諫五見

白雪無春夏明河若倒懸忽添花外雨散作地中泉潤  
氣滋丹壁餘氛入紫烟瑤池浴斜日如在閨風巔

靈峰寺

舊日峰巒在今來殿宇非烟霞全不減松竹自相依古  
道沿溪出殘僧乞食歸晚來鐘磬少惟見白雲飛

龍湫道中

徐衍號宗梅  
邑舉人

長薄帶寒湫雲深一徑幽茆茨隱松竹烟火隔林邱日

落風初起山空水自流悠々人境外有路接瀛洲

秋夜宿龍湫古寺贈上人

陳號後溪邑  
人署丞

絕壁俯寒湫禪房一徑幽山空涼露下天近火星流水  
壯蛟龍氣風高鴻雁秋蒲團坐明月若與遠公遊

能仁寺

王汝孝號岱麓東  
平人副使

雁岩稱名久探幽我獨來緣溪沿澗出青嶂倚雲開梵  
宇三生淨松風萬壑哀勝遊今不盡何必向天台

宿靈岩寺

朱守喬邑人

攬結靈岩秀沉潛爽氣中雲移峰欲墮霞落障猶紅變  
幻珍奇態縱橫造化功月明蓮宇靜慘淡是仙宮



曉入能仁寺

朱元操邑人

空山尋梵宇初日照林邱  
鍾磬隨風度雲霞拂曙流  
森松不受暑碧樹正宜秋  
意到無言坐清猿嘯未休

石門渡

章九儀字可象恭毅孫序生

海國初天霽群峰翠欲浮  
舟橫春水渡人倚夕陽樓  
岩屋纏青蔓江沙起白鷗  
杖藜何處叟扶醉過溪頭

鴈山

趙廷松再見

風塵居獨客曉騎入群公  
白首人空老青山望不窮  
五雲千石上透道細泉通  
仙吹何方發松絃韻曉風

龍壑軒夜坐

吳子孝再見

日入紫霞沒天空玉露清  
萬鏡盡奇絕諸峰更分明  
海鶴靜夜夢山蟲高秋聲  
步蟾起綴奇靈洞孤雲生

龍壑軒次吳子孝韻

章朝鳳晚南周奉山南閩人參議

露下看牛斗陰陰毛骨清  
霜寒山鬼泣風細天河明  
孤亭懸夜榻萬籟送秋聲  
隱几談元罷山頭新月生

靈岩次韻

行眺入靈谷天邊無數峰  
石龍奮鱗甲雲屋隱喬松  
遠日騰海蜃高風散寺鐘  
秋光未蕭瑟岩壁見芙蓉

石梁次韻

長虹起東海故將青天遮  
陰洞生虛白清尊引落霞  
雲



開鳥陸影岩漏雨生花摩崖訪真迹前村日半斜

靈岩

侯一元八見

仄徑重々起看山面々珠書從丹洞秘峰入紫霄無候  
鴈雲中斷驚猿月下呼悠然赤水宴何處訪元珠

六賢祠

俛仰成十載停車展六賢文垂麟史後功契馬圖前浩  
渺獲龍孤高一柱天春遊成林惕川上惜流年

度嶺僧堂少憇回憶東山及弟伯卿二首

振衣凌絕磴歇馬得平原愛此山堂寂來同靜者言雲  
峰蘿外出滇海霧中翻欲作蘓門嘯空林聞畫猿

一自嬰朱紱長懷躡紫氛始酌中歲約不畏北山文野  
飯供山蕨春衣綴嶺雲瑤華歆有贈日暮忽思君

出山徑渡還家緬懷東澗屠君有違鷄黍之約限

韻賦寄三首

夙昔慕幽栖傳聞西谷西千桃沿澗發五柳傍門低海  
檻鷗長狎花林鳥互啼塵勞媿漁父獨向武陵迷  
憶昨訪招提芳尊遠為携清歌傳玉案白法演金鑪好  
我能懸榻因君媿析珪終知凡鳥字不敢到門題  
窮巷遠車轍時聞過馬蹄無言似桃李花處自成溪雲  
外眠仙犬林間散竹鷄何時同拄杖春兩看扶犁



宿能仁寺次文谷韵

范惟一字中方直隸人提學

一入能仁寺如茶不二禅法輪流落日梵語和鳴泉石抱海雲邊窓含樹杪烟偶來幽意惟詎是故留連

又

十 錫魏豹山直隸人進士

梵宇停征蓋鐘聲入暮禪間雲歸古岫崕石枕清泉塵慮消幽境高懷薄紫烟鈎簾回首處山色與天連

又

陳鴻濛

已攬靈峰秀還來謁回禪乱山齊捧日幽谷靜含烟瀑布晴飛蜃林端夜嘯鳶未從覓歸路下榻可忘年

又

陳錫再見

山迥寒侵夜松疎月近禪短橋迴落馬細石漱沉泉霜葉濃催酒秋衣薄逗烟常雲峰外望飛鴈與天連

又

葉世德魏文溪邑舉人

勝地逢佳節空林一問禪偕行無俗侶滌慮有清泉古岫藏丹室奇峰吐白烟莫言茲境外更有十洲傳

大龍湫

陳瑤再見

絕障連雲起深秋載酒過青天開玉峽白日下銀河寒氣清詩骨餘紛入醉歌坐忘歸路晚新月在烟蘿

飯能仁寺

張佳胤再見

嶺日耽幽討鳴鐘飯化城蹊沿竹澗風送瀑泉聲古



寺漸叢蒼高僧出紫荆山川憐謝客又作永嘉行

能仁寺

徐待聘字廷珍琴川人也

古寺重修日曇花幾度鮮鐘聲松樹裏山色酒杯前  
門掩龍湫雨橋分燕尾泉舉頭思舊德梁有從祖高書名延許轉  
凄然

龍鼻水

竭來觀聖水何物化為龍西鼻通天竅千鱗帶雨容  
乾坤黃石在今古白雲封定有甘泉望朝來海氣濃

玉女峰

止將望夫意幽谷自年久不入行雲夢空歌匪石篇月

明疑寶鏡春老惜花鈿何不乘鸞去逍遙謝世緣

老僧岩

豈是靈山會猶存面壁僧雲歸聊補衲風墜欲扶藤  
華世爭矜慕枯禪愛鹿乘點頭知有意彼岸可先登

靈峰寺

車大任湖廣人溫處道

丹梯千百丈躋險詎辭勞石屋雲光曷天憲花影高  
不知在人世頓欲逞詩豪下界鐘聲至仙人又奏璫

靈岩寺

寒雲迷嶺路春雨亂旌旗花樹常如舊詎那不可知  
洞幽龍卧穩山合鴈來逢卓筆峰何健移來好詩賦



遊淨名寺

徐度邑舉人

去歲尋僧地荒涼不可遊  
藤橫礙古路葉落障寒溝  
破壁遺詩句殘鐘動管愁  
仲宣應有恨嘆息一登樓

大龍湫

國朝林齊鎔再見

劈破須彌頂懸傾碧漢波  
胸中吞嶽瀆眼底小江河  
日色生金電風聲響玉珂  
詎那觀不盡長自坐藤蘿

靈峰寺

梁社再見

名山開勝域寶地萃群靈  
各靜藏三昧岩空鑿五丁  
借僧雲半榻伴我鶴中庭  
待遂生平志携琴結幔亭

遊靈峰洞

方尚惠五見

聳拔靈峰洞清幽詎易傳  
身疑天宇外雲湧足根前五  
老何知姓三賢不計年徘徊  
人意遠滌慮即金仙

同張琬也遊能仁謁呂祖亭

蔣埴五見

鴈山名勝地古剎首能仁  
興廢因時代遊觀忘主賓  
聯吟還訪舊散步歎尋真  
千古風流在遺芳尚勒砥

飯靈峰洞

天下名山勝靈峰絕點塵  
鴈飛人不到龍躍水為鱗  
古殿崔巍舊流泉變幻新  
胡麻得共飯洞壑日長春

過淨名寺

林文煥四見



溪行三十里隱：一鐘聲所望惟喬木相逼即淨名藏  
書僧自古吸茗客同清見說維摩洞幽思掛晚晴

### 羅漢寺

為尋羅漢寺數里泝清流巒石何曾異精藍只自幽凝  
雲春鳥度灑氣晚<sup>風</sup>輝遊遮莫安禪者朝朝看白牛

### 晚登留雲閣

林文朗再見

徑轉迴溪遠岫岩已倦登石闌憑晚眺仙閣羨虛騰樹  
隱山前月風搖塔頂燈間雲留款住獨上最高層

### 已丑再遊鴈山

覽勝難常繼携筇用疾趨入秋先看瀑躡頂次尋湖三  
宿猶嫌速單行不害孤此來山路熟無待問樵夫

### 關徑登鴈湖

倪鴻範

字伯疇晉江人總戎

鳥道盤雲細扶筇費勇登三湖街夕靄一鴈啄寒冰低  
眼峰巒伏回頭日月來遊思控鸞鶴孤嘯落高層

### 雁湖

趙紀耀

字雲昭邑庠生

一自沉鐘後明湖十里寒源通滄海底波湧碧雲端霜  
下蘆花白風迴鴈陣圍長天垂倒影星斗落漫

### 石梁洞

吳鰲

字樺山湖州人

奇絕石梁洞虹環一線開白雲飛度過皓月劈分來溜  
灑晴天雨風生靜夜雷題橋非我事長嘯亦悠哉